

**Kidung 68:1 Ida Sang Hyang Widi Wasa matangi tur nyambehang meseh-meseh Idane. Jadmane sane geting ring Ida sami pada kaon tur jerih kapilayu.**

**Kidung 5:9,10 Baos meseh titiange nenten wenten sane nyandang gega. Ipu wantah mamanah ngrusak kewanten. Baosipune wiakti lengut tur manis, nanging bek madaging pangindrajala sane ngawinang padem. 10 Duh Ratu Sang Hyang Widi Wasa, sisipangja ipun. Dumadak rerincikanipune punika ngawinang ipun uug. Entungangja ipun saking ayun Palungguh IRatu, riantuk dosanipune pamantuka ring ayun Palungguh IRatu.**

**Kidung 7:1,2 Duh Ratu Sang Hyang Widi Wasa, Widin titiange, titiang tangkil ring ayun Palungguh IRatu buat nunas pasayuban. Luputang tur rahayuangja titiang saking sakancan jadmane sane nguber titiang. 2 Yen nenten kadi asapunika, ipun waluya sakadi singane malaibang titiang, tur nenten wenten anak sane ngluputang titiang. Irika ipun jaga mokeng-mokeng titiang.**

**Kidung 11:6 Ida nedunang baa ngendih miwah werirang sane ngendih murub ring anake corah. Ida nyisipang ipun antuk angin sane panes baeng.**

**Kidung 18:2 Ida Sang Hyang Widi Wasa dados pasayuban titiange. Ida dados benteng titiange sane kukuh bakuh. Widin titiange dados pasayuban titiange, tur ngiring Ida titiang rahastra. Ida nyayubin titiang waluya sakadi tameng. Ida nindihin titiang tur ngrahayuang titiang.**

**Kidung 18:14 Ida niwakang panah idane tur ngawinang meseh-meseh Idane pada sambeh. Ida ngulah meseh-meseh Idane antuk kelepan kilape.**

**Kidung 18:17 Ida ngluputang titiang saking meseh titiange sane mawisesa miwah saking sakancan jadmane sane geting ring titiang. Meseh titiange kalintang kuat yan bandingang ring titiang.**

**Kidung 18:39 Palungguh IRatu mapaica kakuatan ring titiang buat mayuda, tur mapaica kamenangan nglawan meseh-meseh titiange.**

**Kidung 18:45,48 Kawanenanipune ical, tur ipun pada rauh saking benteng-bentengipune sinambi jejeh ngetor. 48 tur ngluputang titiang saking meseh-meseh titiange. Duh Ratu Sang Hyang Widi Wasa, Palungguh IRatu mapaica kamenangan ring titiang marep ring meseh-meseh titiange, tur nyayubin titiang saking jadmane sane mambek wirosa.**

**Kidung 23:3 Ida mapaica kakuatan anyar ring titiang. Ida nuntun titiang ring margine sane patut, sakadi sane sampun janjiang Ida.**

**Kidung 27:11 Duh Ratu Sang Hyang Widi Wasa, urukja titiang ngamargiang paindikan sane arsayang Palungguh IRatu, tur tuntunja titiang sapanjang margi sane rahayu, santukan titiang akeh maderbe meseh.**

**Kidung 31:15 Titiang tansah wenten sajeroning pamiaran Palungguh IRatu.**

**Luputangja titiang saking meseh-meseh titiange miwah saking jadmane sane nyangsaren titiang.**

**Kidung 34:4,7,13 Titiang ngastawa ring Ida Sang Hyang Widi Wasa, tur Ida nyaurin pangastawan titiange, Ida mebasang titiang saking sakancan katakutan titiange. 7 Malaekat Idane ngebag anake sane astiti bakti ring Ida, tur ngluputang ipun saking baya. 13 Duaning punika sampunang pisan semeton maosang paindikan sane corah miwah sane bobab.**

**Kidung 34:17-19 Jadmane sane patut mapinunas ring Ida Sang Hyang Widi Wasa, tur Ida nagingin pinunasipune. Ida ngluputang ipun saking sakancan kamewehanipune. 18 Ida Sang Hyang Widi Wasa tansah nampek ring anake sane sampun tan padaya, tur Ida ngrahayuang anake sane sampun telas pangajap-ajapipune. 19 Jadmane sane becik akeh nandang kamewehan, nanging Ida Sang Hyang Widi Wasa ngluputang ipun saking kamewehan punika.**

**Kidung 35:1-8 Duh Ratu Sang Hyang Widi Wasa lawanja jadmane sane nglawan titiang, tur yudainja jadmane sane nyiatin titiang. 2 Ambilja tameng miwah kawaca besi druene, tur rarisangja rauh ngluputang titiang. 3 Amengangja tumbak miwah kapak druene nglawan jadmane sane nguber titiang. Nikayangja ring titiang mungguing Palungguh IRatu jaga ngrahayuang titiang. 4 Dumadakja jadmane sane mamanah ngamademang titiang kaon, tur nandang kimud. Dumadakja jadmane sane mapiguman jaga nglawan titiang pada mabalik tur paling. 5 Dumadakja ipun sakadi gumpang sane ampehang angin, rikala malaekat Ida Sang Hyang Widi Wasa nguber ipun. 6 Dumadak marginipune peteng dedet tur belig, rikala malaekat Ida Sang Hyang Widi Wasa nglempag ipun. 7 Tan pakrana ipun masang jeet pabuat titiang, tur makarya bangbang dalem buat ngejuk titiang. 8 Nanging kasinangkaonan jaga nibenin ipun, sadurung ipun tangeh ring indike punika. Ipun jaga kajeet antuk jeetipune niri, tur labuh ring kasinangkaonanipune!**

**Kidung 35:10 Saking saguluking manah titiang jaga matur ring Ida Sang Hyang Widi Wasa sapuniki: “Tan wenten sane nyamenin Palungguh IRatu. Palungguh IRatu nyayubin jadmane sane tiwas saking sane nindes.”**

**Kidung 36:7-9 Duh Ratu Sang Hyang Widi Wasa, ambate luih sih pasuecan Palungguh IRatu sane nenten rered-rered punika! Titiang molih pasayuban ring sor lawat kampid Palungguh IRatune. 8 Titiang mapesta antuk pangan kinum sane cawisang Palungguh IRatu ngantos maliah-liah. Palungguh IRatu nglugrain titiang nginum saking tukad kabecikan Palungguh IRatune. 9 Palungguh IRatu makadados empul sarwa sane urip, tur malantaran galang Palungguh IRatune titiang prasida ngeton galang.**

**Kidung 37:5 Aturangja ragan semetone ring Ida Sang Hyang Widi Wasa. Pracayaja ring Ida janten Ida jaga nulungin semeton.**

**Kidung 37:23,24 Ida Sang Hyang Widi Wasa nuntun jadmane ring margi sane**

**patut tuut ipun, tur Ida nyayubin anake sane ledangin Ida. 24 Yening ipun labuh, ipun nenten jaga kantos bah, santukan Ida Sang Hyang Widi Wasa jaga nyaga ipun.**

**Kidung 37:40 Ida nulungin tur ngluputang ipun. Ida ngrahayuang ipun saking jadmane dursila santukan ipun rauh maranin Ida buat nunas pasayuban.**

**Kidung 39:1 Titiang mabaos sapuniki: "Titiang jaga tangar ring paindikan sane laksanayang titiang, tur titiang nenten manggayang bungut titiange ngardi dosa. Titiang nenten jaga mabaos punapa-punapi rikala jadmane corah nampek ring titiang."**

**Kidung 41:4 Titiang mabaos sapuniki: "Duh Ratu Sang Hyang Widi Wasa, titiang sampun madosa pamantuka ring Palungguh IRatu. Suecaninja titiang tur segerangja titiang!"**

**Kidung 42:5,11 Napi awinannya titiang kalintang sedih? Napi awinannya titiang kalangkung meweh? Titiang jaga ngajap-ajap ring Ida Sang Hyang Widi Wasa juru rahayu miwah Widin titiange, tur titiang mamanah jaga muji Ida malih apisan. 11 Punapi gunanipun titiang kalintang duhkita? Punapi gunanipun titiang kalangkung meweh? Titiang jaga tansah ngajap-ajap Ida Sang Hyang Widi Wasa juru rahayu miwah Widin titiange tur titiang malih jaga muji Ida. (Kidung 43:5)**

**Kidung 43:1 Duh Ratu Sang Hyang Widi Wasa, sinahangja mungguing titiang puniki tan paiwang, tur belaninja wicaran titiange marep ring jadmane sane tan pawidi.**

**Kidung 44:4 Palungguh IRatu makadados Ratu miwah Widin titiange. Palungguh IRatu mapaida kamenangan ring kaulan Palungguh IRatu,**

**Kidung 51:4 Titiang sampun madosa pamantuka ring Palungguh IRatu, inggih wantah ring Palungguh IRatu kewanten, tur titiang sampun nglaksanayang paindikan sane kabaos corah antuk Palungguh IRatu. Duaning punika Palungguh IRatu nepasin titiang, tur Palungguh IRatu adil sajeroning nyisipang titiang.**

**Kidung 52:5 Punika awinannya Ida Sang Hyang Widi Wasa mapakayun jaga nguugang ragane kantos salami-laminipun. Ida jaga mancut ragane tur nyabatang ragane saking purin ragane. Ida jaga ngingsirang ragane saking jagat anake urip.**

**Kidung 54:7 Palungguh IRatu sampun ngluputang titiang saking sakancan kamewehan titiange, tur titiang sampun ngeton meseh-meseh titiange pada kaon.**

**Kidung 55:18 Ida jaga makta titiang mawali saha rahayu saking payudan titiange nglawan meseh-meseh sane kalintang akeh.**

**Kidung 59:2 Rahayuangja titiang saking jadmane sane corah, tur lputangja titiang saking jadmane sane amati-mati!**

**Kidung 60:12 Yening Ida Sang Hyang Widi Wasa ngabih titiang, titiang jaga menang. Ida sane jaga ngaonang meseh-meseh titiange.**

**Kidung 63:11 Ida sang prabu masuka rena, santukan Ida Sang Hyang Widi Wasa mapaica kamenangan ring ida. Anake sane majanji sajeroning parab Ida Sang Hyang Widi Wasa jaga muji Ida, nanging bungut jadmane bobab jaga bungkem.**

**Kidung 66:3 Maturja ring Ida Sang Hyang Widi Wasa, sapuniki: “Ambate becikipun paindikan-paindikan sane kardi Palungguh IRatu! Kawisesan Palungguh IRatune kalintang ageng, kantos meseh-meseh Palungguh IRatune sumungkem saha ajerih ring ayun Palungguh IRatu.**

**Kidung 68:6 Ida mapaica umah ring anake sane nglisting buat dados genahipune, tur mebasang anake mapangkeng buat muponin kaliangan sajeroning kabebasan. Nanging soroh pembrontake jaga kagenahang ring tanahe sane suung.**

**Kidung 68:35 Ambate luih Ida Sang Hyang Widi Wasa, Widin Israele, rikala Ida rauh saking linggih Idane sane suci. Ida mapaica kakuatan miwah kawisesan ring kaulan Idane. Pujija Ida Sang Hyang Widi Wasa!**

**Kidung 70:1 Duh Ratu Sang Hyang Widi Wasa, rahayuangja titiang! Duh Ratu Sang Hyang Widi Wasa, tulunginja titiang sane mangkin!**

**Kidung 71:4 Duh Ratu Widin titiange, luputangja titiang saking jadmane dursila miwah saking kawisesan jadmane sane wirosa miwah corah.**

**Kidung 71:13 Dumadakja jadmane sane nyengkalen titiang pada kakaonang tur kasirnayang. Dumadakja jadmane sane mamanah nyakin titiang pada nandang kimud miwah kanistan.**

**Kidung 72:12 Ida ngluputang jadmane sane tiwas sane nunas ica ring ida miwah jadmane sane kakirangan miwah anake sane nenten kalinguang.**

**Kidung 76:12 Ida ngasorang pararatune sane sumbung-sumbung tur ngawinang pararatune sane agung-agung rumasa karesresan.**

**Kidung 79:9 Duh Ratu Sang Hyang Widi Wasa, tulunginja titiang, tur rahayuangja titiang. Luputangja titiang tur ampurayangja dosa-dosan titiange, malantaran kaluihan Palungguh IRatune ngraga.**

**Kidung 86:17 Duh Ratu Sang Hyang Widi Wasa, lugrainja titiang bukti ngeniang indik-indik kabecikan Palungguh IRatu. Jadmane sane geting ring titiang jaga nandang kimud, rikalaning ipun ngeton mungguing Palungguh IRatu sampun mapaica kaliangan miwah pitulungan ring titiang.**

**Kidung 91:14,15 Ida Sang Hyang Widi Wasa masabda sapuniki: “Ulun lakar ngrahayuang anake ane astiti bakti teken Ulun muah lakar nyayubin anake ane nawang mungguing Ulun maraga Sang Hyang Widi Wasa. 15 Yen ia matur teken Ulun, Ulun lakar nyautin ia. Yening ia katempuh baan kakewehan, Ulun lakar ngingin ia, tur Ulun lakar ngluputang muah ngajiang ia.**

**Kidung 92:11 Titiang sampun ngeton kakaonan meseh-meseh titiange, tur miragi sesambatan jadmane dursila.**

**Kidung 103:10 Ida nenten nyisipang iraga manut ring laksanan iragane, wiadin ngwalesang ring iraga manut ring dosa-dosan miwah kiwangan iragane.**

**Kidung 104:9 Palungguh IRatu mastikayang watesipune, mangda ipun nenten mrasidayang nglintang, tur mangda ipun nenten mrasidayang malih nglancah daatane.**

**Kidung 107:6 Rikalaning ipun katempuh antuk kakewehan, ipun pada masesambatan ring Ida Sang Hyang Widi Wasa, tur Ida ledang ngrahayuang ipun saking kamewehanipune.**

**Kidung 118:10,12 Katah meseh-meseh sane ngiter titiang, nanging ipun sirnayang titiang antuk kawisesan Ida Sang Hyang Widi Wasa. 12 Ipu pagriung ngrebut titiang sakadi nyawan, nanging titiang nyirnayang ipun. Ipu gelis puun sakadi genine nilap punyan ketket. Titiang nyirnayang ipun masrana kawisesan Ida Sang Hyang Widi Wasa.**

**Kidung 121:7,8 Ida Sang Hyang Widi Wasa jaga nyayubin semeton saking saananing bencana. Ida jaga miara semeton mangda setata rahajeng. 8 Ida jaga nyayubin semeton rikalaning semeton lunga wiadin budal, sane mangkin ngantos salami-laminipun.**

**Kidung 138:3 Palungguh IRatu nagingin pinunas titiange, rikalaning titiang nunas ica ring Palungguh IRatu, tur masrana kakuatan Palungguh IRatune, Palungguh IRatu nguatang titiang.**

**Kidung 140:1,4,5 Duh Ratu Sang Hyang Widi Wasa, lputangja titiang saking jadmane sane dursila. Lputangja titiang saking jadmane nyapa kadi aku. 4 Duh Ratu Sang Hyang Widi Wasa, sayubinja titiang saking kakuasaan jadmane dursila. Lputangja titiang saking jadmane sane nyapa kadi aku, sane sigum jaga nyelekang titiang. 5 Jadmane sane sumbung masang jeet pabuat titiang. Ipu sampun masang santeb, tur sapanjang margi ipun sampun masang jeet buat ngejuk titiang.**

**Kidung 142:6 Pirengangga sesambatan titiange nunas pitulungan, santukan titiang sampun nenten madue pangajap-ajap malih. Lputangja titiang saking meseh-meseh titiange, duaning ipun kalintang kuat bandinggang ring titiang.**

**Kidung 143:9 Duh Ratu Sang Hyang Widi Wasa, titiang nunas pasayuban ring ayun Palungguh IRatu; lputangja titiang saking meseh-meseh titiange.**

**Kidung 147:14 Ida ngamanggeheng wates wewidangan ragane mangda sutrepti, tur murnayang idep ragane antuk gandum sane pinih becik.**

**Kidung 149:6-9 Banggayang ipun suryak-suryak rikalaning ipun muji Ida Sang Hyang Widi Wasa, sinambi makta pedang sane mangan ring limanipune, 7 buat jaga ngaonang bangsa-bangsa miwah nyisipang rakyate, 8 tur buat jaga negul pararatunipune antuk ante miwah parapamimpinipune antuk ante besi, 9 buat jaga nyisipang bangsa-bangsane, sakadi sane sampun kapituduhang antuk Ida Sang Hyang Widi Wasa.**